

CHRISTI
451.

LEONIS PAP.
12.

VALENTIN. 27. IMPP.
MARCIANI 2.

* Abundantius.

stra in sacerdotum Domini Concilio, quam sanctus frater & Coepiscopus noster Abundantius *, & compresbyter meus Senator detulerunt, agnitoque eorum narratione (sicut scripta vestra signaverant) rerum gestarum ordine: continuo requisita est, recitataque epistola, quam fidei assertione plene digestam ad Orientem dudum sanctitas vestra transmiserat, quæ ad nos ex vestra ordinatione, sancto fratre & Coepiscopo nostro Ceretio mutuante, pervenit: claravit eam plenam fidei simplicitate fulgere, Prophetiarumque etiam assertionibus, Evangelicis auctoritatibus, & Apostolica doctrina testimonio, nitore quodam lucis, & veritatis splendore radiare; omnibusque sensibus convenire, quos B. Ambrosius de incarnationis Dominica mysterio suis libris, sancto Spiritu excitatus inferuit.

XIX.

Et quia omnia majorum fidei nobis antiquitus tradita tota puritate conveniunt, domine sancte & beatissime Pater: placuit omnibus quorum subscriptio subterannexa nomina poterit declarare, eos qui impie de incarnationis Dominica sacramento sentiunt, quamvis intellectus sui pravitate a Catholica fidei veritate recedentes, se ipsos dignos abjectione fecerint, suo etiam consensu, auctoritatis vestrae præcedente sententia damnatione congrua persequendos. Litterarum ergo vestrarum formam secuti, modum præscriptæ ordinationis nos servasse, bis per fratrem & Coepiscopum nostrum Cyriacum missis ostendimus. Superest, ut annuente Domino, perfectis rebus, palmam fidei & consummati certaminis coronam quiete perpetua retinentes hoc futuris memorabile sæculis relinquatis, ut ab hoc tempore præsentis extinctæ impiæ sectæ contumacia videatur, ut vobis propugnatoribus in æternum prostrata succumberet. Et alia manu: Incolumen beatitudinem tuam summa Divinitas tueatur atque custodiat, domine sancte ac beatissime Pater. Sequitur in codice subscriptio tum ipsius Eusebii, tum etiam reliquorum Episcoporum.

XX.
Vetus consuetudo Occidentalium Episcoporum.

Sed cur, inquires, iterum per Abundantium & Senatorem missa S. Leonis epistola de Christi incarnatione, si antejam missam in Gallias, Eusebius eandem acceperat a Ceretio? Ex his pristinum usum intellige. Cum œcumenicum in Oriente Concilium indiceretur, cui cum haud omnes Episcopi Occidentales interesse possent: quo tamen & ipsi aliquo modo suum ferrent suffragium soliti erant iidem (si pateretur opportunitas temporis) Romam ad Synodum convocari, vel saltem iidem absentibus præcipere Romanus Pontifex, ut provinciales Metropolitanæ Episcopi Convenire cogerent, ex eisque litteras darent ad ipsum Pontificem, qui Legatos e

Ann. Eccl. Tom. VIII.

Latere dirigeret, non suo ipsius tantum nomine, sed totius Occidentalis Ecclesiæ. Sic igitur, cum sub Theodosio postremum Concilium Ephesinum indictum essent, hæc opus fuit præstari ab Episcopis Occidentis: rursus vero cum hoc tempore aliud esset indictum Concilium œcumenicum, eadem requiri ab iisdem.

Inter hæc autem duo ex Oriente presbyteri hæretici pœnitentes Joannes atque Basilius ad Leonem Pontificem Romam se contulere, ut coram ipso tum Nestorianam, tum etiam Eutychianam hæresim condemnarent: quo factò, acceptis ab eodem Summo Pontifice litteris datis (a) hoc anno decimotertio Kalendas Julii ad Anatolium, Constantinopolim reversi sunt. Exhorruisse adhuc eos putamus Anatolium, quod a Dioscòro, damnato Flaviano, Ecclesiæ Constantinopolitane fuisse substitutus Antistes: cum alioqui fuciendi ejusmodi lapsos eidem Anatolio sciamus a S. Leone tributam esse licentiam.

Eodem vero mense, sexto Kal. Julii (b) idem S. Leo ad Marcianum Aug. de indicta Synodo scripsit epistolam, qua legatos a se ad eam missos commendat, & fidei catholice patrocinium, ut suscipiat, rogat. Sequenti vero die, quinto Kalendas Julias (c) ad ipsam Synodum Chalcedone cogendam (locus enim ille delectus postea fuit, ut Imperator ipse, præfens esset) ejusmodi dedit epistolam qua de legatis a se missis qui vice ipsius synodo præsiderent, edocuit, deque in eis tractandis admonuit. Fallo tamen habetur inscripta ad Synodum Chalcedonensem: nam de eo loco nequicquam fuerat hoc tempore mensis Junii, quo scripta habetur epistola, ab Imperatore decretum. Ea autem sic se habet (d):

Opraveram quidem, dilectissimi pro nostri cbaritate collegii, omnes Domini sacerdotes in una Catholice fidei devotione persistere, nec quemquam gratia, aut formidine potestatem secularium depravari, ut a via veritatis abscederet. Sed quia multa sepe, qua penitudinem possint generare, provenerunt, & superat culpas delinquentium misericordia Dei, atque ideo suspenditur ultio, ut possit locum habere correctio; amplectendum est clementissimi Principis plenum religione consilium, quo sanctam fraternitatem vestram ad destruendas insidias diaboli, & ad reformandam Ecclesiasticam pacem voluit convenire, beatissimi Petri jure, atque bonore servato: adeo ut nos quoque suis litteris invitaret, ut venerabili Synodo nostram præsentiam præberemus: quod quidem nec necessitas temporis, nec ulla consuetudo poterat permittere. Tamen in his fratribus Paschasino & Lucentio Episcopis, Bonifacio & Basilio presbyteris, qui ab

K

XXI.
Presbyteri Romani veniunt pœnitentiæ causa

(a) Leo ep. 48.

XXII.
(b) Leo ep. 49.

(c) Leo ep. 47.

(d) Leo ep. 47.

XXIII.
Leonis epistola ad Synodum œcumenicam.

Apo-